



## **Aningaasaqarnermut Aatsitassanullu Naalakkersuisoq**

**Ulloq:** 6. marts 2017  
**J.nr.:** 01.31.06/16-00745

### **Aningaasaqarnermut Akileraartarnermullu Ataatsimiititaliap pingasunngornermi ulloq 15. februar 2017-imi aalajangiineranik Naalakkersuisunut ilisimatitsineq.**

#### **Kalaallit Røde Korsiat Syriami, Aleppomi sorsuuttoqarnerani eqqugaasunut ikiuiniarluni sulineranut tunissuteqarneq - Suliaq nr. 01.31.06/16-00745.**

”Naalakkersuisut inassutigaat,

- Aningaasaqarnermut Akileraartarnermullu Ataatsimiititaliap akuersissutigissagaa, Kalaallit Røde Korsiat aqutugalugu Syriami, Aleppomi sorsuuttoqarnerani eqqugaasunut ikiuiniarnermut Kalaallit Nunaanni Namminersorlutik Oqartussat 100.000 kr.-inik tunissuteqassasut,
- konto pingaarnermi 20.11.50-imi, Ingerlatsinerneq sillimmatinut tunngasumi, aningaasaliissutit 100.000 kr.-inik ikilineqassasut,
- konto pingaarnermi 10.06.18-imi, Ajutoornermik ajunaarnermillu eqqugaasunut ikiuiniarnermut tunngasumi, aningaasaliissutit 100.000 kr.-inik amerlineqassasut.”

#### **Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:**

Kalaallit Røde Korsiat aqutugalugu Syriami, Aleppomi sorsuuttoqarnerani eqqugaasunut ikiuiniarnermut Namminersorlutik Oqartussat 100.000 kr.-inik tunissuteqarnissaat Naalakkersuisut siunnersuutigaat. Kalaallit Røde Korsiat ikiuiniarnermut 50.000 kr.-inik tunissuteqarnissamik aalajangiisimanera inassuteqaamminnut Naalakkersuisut tunngavilersuutigaat. Konto pingaarnermut 20.11.50-imut, ingerlatsinerneq sillimmatinut tunngasumut, missingersuutinut ilanngussaq naapertorlugu nuna tamakkerlugu katersuiniarnermi pissarsiari-neqartut amerlaqataannik tapiissuteqartoqarsinnaavoq. Aningaasanut inatsimmi aningaasat aalajangiunneqartut marloriaataannik qinnuteqarnermut Naalakkersuisut tunngavilersuutaat suliap matuma suliarineqarnerani ataatsimiititaliamit amigaatigineqarpoq.

Ikiuiniarnermut aningaasanik amerlasuunik Kalaallit Røde Korsiat tunissuteqarnissamik aalajangersimanera ataatsimiititaliamit assut nersortarialittut isigineqarpoq. Qinnuteqarnermi siunertarineqartoq assut tapersersornartutut ataatsimiititaliamit isigineqarpoq. Siulianili allassimasoq naapertorlugu aningaasanut inatsisikkut akuerineqartut marloriaataannik tapiissuteqarnissamik Naalakkersuisut inassuteqaataata akuerinissaanut ataatsimiititaliaq tunngavissaqanngilaq. Tunngavissat pigineqartut naapertorlugit 50.000 kr.-inik tapiissuteqarnissaq Aningaasaqarnermut Akileraartarnermullu Ataatsimiititaliap taamaallaat akuerisinnaavaa. Taamaattumillu qinnuteqaat matuma kingulianisut taamaallaat iluseqartoq ataatsimiititaliamit akuerineqarsinnaavoq:

”Naalakkersuisut inassutigaat,

- Aningaasaqarnermut Akileraartarnermullu Ataatsimiititaliap akuersissutigissagaa, Kalaallit Røde Korsiat aqqutigalugu Syriami, Aleppomi sorsuuttoqarnerani eqqugaasunut ikiuiniarnermut Kalaallit Nunaanni Namminersorlutik Oqartussat 50.000 kr.-inik tunissuteqassasut,
- konto pingaarnermi 20.11.50-imi, Ingerlatsinermit sillimmatinut tunngasumi, aningaasaliissutit 50.000 kr.-inik ikilineqassasut,
- konto pingaarnermi 10.06.18-imi, Ajutoornermik ajunaarnersuarmillu eqqugaasunut ikiuiniarnermut tunngasumi, aningaasaliissutit 50.000 kr.-inik amerlineqassasut.”

Tamanna pisariaqartinneqalissappat Naalakkersuisut ukioq manna qinnuteqaatinik allanik nassiussinnaammata ataatsimiititaliamit erseqqissarneqassaaq.

**Ataatsimiititaliap apeqqtai:**


Aningaasat katersorneqartut amerlaqataannik tapiisarnermik tunngaviup Naalakkersuisunit sooq saneqqunneqarnersoq paasissutissiissutigineqassasoq ataatsimiititaliamit kissaatigineqarpoq.

Kiisalu nuna tamakkerlugu katersineq, qinnuteqaammik matuminnga nassiussinissamik tunngavissiisoq, qanga qanorlu ingerlanneqarsimanersooq paasissutissiissutigineqassasoq ataatsimiititaliamit kissaatigineqarpoq.

**Aningaasaqarnermut Akileraartarnermullu Ataatsimiititaliap aalajangiinera**

Siuliani allassimasutut oqaaseqaateqarluni Namminersorlutik Oqartussat Syriami, Aleppomi sorsuuttoqarnerani eqqugaasunut ikiuiniarluni sulinermit Kalaallit Røde Korsiat aqqutigalugu 50.000 kr.-inik tapiissuteqarnissaat Aningaasaqarnermut Akileraartarnermullu Ataatsimiititaliamit **akuerineqarpoq.**

Ataatsimiititaliap sinnerlugu



Jens Immanuelson

Aningaasaqarnermut Akileraartarnermullu Ataatsimiititaliap Siulittaasua